

ერთიანი აგროპროექტის ფარგლებში შიდა ქართლის რეგიონში ახალი ხეხილის ბაღი გაშენდა

08 ივლისი 2016

სოფლის მეურნეობის პროექტების მართვის სააგენტოს აგროპროექტ „დანერგე მომავალს“ მენეჯერმა ლევან დოლიძემ და შიდა ქართლის გუბერნატორის ადმინისტრაციის რეგიონული პროექტების კოორდინირების სამსახურის უფროსმა გიორგი ბუგიანიშვილმა, შიდა ქართლში, ქარელის რაიონის სოფელ აფნისში, პროგრამაში მონაწილე ერთ-ერთი ბენეფიციარის, კონსტანტინე დავითაშვილის ბაღის გაშენების პროცესი დაათვალიერეს. კონსტანტინე დავითაშვილი პროგრამაში 2016 წელს ჩაერთო და 15.1 ჰექტარზე ბლის ბაღის გაშენებისათვის და სარწყავი სისტემის მოწყობისთვის 100 000 ლარის სახელმწიფო დაფინანსება მიიღო. მიღებული დაფინანსებიდან 68 040 ლარი ნერგებზე, ხოლო 31 960 ლარი წვეთოვანი სისტემებისთვის იყო განკუთვნილი.

გიგა ბუგიანიშვილის თქმით, ეს პროექტი ძალზედ მნიშვნელოვანია რეგიონის დონეზე, რადგან ხელს შეუწყობს მოსახლეობის ჩართულობას სოფლის მეურნეობის მიმართულებით, ხოლო გუბერნატორის ადმინისტრაცია მაქსიმალურად ეცდება ხელი შეუწყოს „პროექტ დანერგე მომავალს“ ინფორმაციულ გავრცელებას შიდა ქართლში.

გორის, ქარელის, კასპის და ხაშურის რაიონებში 603 ჰა მიწის ფართობზე წლის ბოლომდე ვაშლი, კლიავი, ატამი, ბალი და ნუში გაშენდება, ხოლო უშუალოდ საოკუპაციო ხაზის მიმდებარე სოფლებში აგროპროექტ დანერგე მომავალს ფარგლებში 17-მა ბენეფიციარმა უკვე 91 ჰა. გააშენა.